

# Velferðarráð Vestur-Barðastrandarsýslu

## Stjórnskipuleg staða

Velferðarráð Vestur-Barðastrandarsýslu heyrir beint undir bæjarstjórn. Félagsmálastjóri starfar með ráðinu.

Ráðið fer með verkefni málaflokks 02 Félagsþjónusta. Helstu stofnanir á verkswiði ráðsins eru: félagsmálastjóri, fjárhagsaðstoð og félagsleg heimaþjónusta, húsaleigubætur, þjónusta við börn, þjónusta við aldraðra og málefni fatlaðra.

## Skipan ráðsins

Í ráðinu, sem er sameiginlegt með Tálknafjarðarhreppi, eiga sæti fimm fulltrúar og kýs bæjarstjórn þrjá þeirra til fjögurra ára, að afloknum sveitarstjórnarkosningum skv. ákvæðum sveitarstjórnarlaga, laga um félagsþjónustu sveitarfélaga, málefni fatlaðs fólks, jafnan rétt og jafna stöðu kvenna og karla, áfengislögum, húsnæðismál, húsaleigulögum og barnaverndarlögum og samþykktar um stjórn Vesturbyggðar. Á sama hátt eru kjörnir þrír fulltrúar Vesturbyggðar til vara.

## Hlutverk

Hlutverk velferðarráðs Vestur-Barðastrandarsýslu er:

- að vera bæjarstjórn til ráðgjafar hvað varðar félagslega ráðgjöf, fjárhagsaðstoð, félagslega heimaþjónustu, jafnréttismál, málefni barna og ungmenna, aldraðra og fatlaðra og áfengis- og vímuefnavarnir í sveitarfélaginu,
- að gera tillögur til bæjarstjórnar um markmið í félagsþjónustu sveitarfélagsins,
- að hafa eftirlit með því að samþykkt markmið bæjarstjórnar í ofangreindum málaflokkum nái fram að ganga,
- að gera tillögur um úrbætur í þeirri starfsemi sem undir ráðið heyrir,
- að vera umsagnaraðili um ráðningar forstöðumanna stofnana og annarra starfsmanna þeirra stofnana sem undir ráðið heyrir,
- að starfa með bæjarstjóra,
- að starfa með félagsmálastjóra,
- að starfa með forstöðumönnum stofnana á málavíði ráðsins og gera tillögur um úrbætur í starfi þeirra.

Velferðarráð Vestur-Barðastrandarsýslu gerir tillögur til bæjarstjórnar um fjárhagsáætlun vegna þeirra stofnana, sem tilheyra verkswiði ráðsins og heyra til málaflokkasviðs hennar almennt. Ráðið skal hafa faglega umsjón með þeim stofnunum sem á verkswiði hennar eru og hafa eftirlit með því að stofnanirnar starfi innan ramma laga og samþykkrar fjárhagsáætlunar á hverjum tíma.

## Starfshættir

Um starfshætti ráða er sérstaklega getið í VI. kafla samþykpta um stjórn Vesturbyggðar og skal þeim fylgt eftir því sem við á.

Velferðarráð Vestur-Barðastrandarsýslu kemur saman fyrir luktum dyrum. Ráðinu er heimilt að opna fundi sína komi fram ósk um slíkt svo fremi sem lög eða eðli máls hamli því ekki og skal það gert í samræmi við 2. mgr. 38. gr. samþykpta um stjórn Vesturbyggðar. Ráðið gerir samþykkt um reglulegan fundartíma á fyrsta fundi sínum að höfðu samráði við bæjarstjóra.

Ráðið skal halda gerðabók og rita fundargerð samkvæmt II. lið 16. gr. um fundarsköp og ritun fundargerða samþykpta um stjórn Vesturbyggðar. Fundarritari hefur umsjón með frágangi og ritvinnslu fundargerðarinnar, birtir hana á heimasíðu sveitarfélagsins í lok fundar og kemur fundargerðinni til bæjarskrifstofu. Ritari bæjarstjórnar leggur fundargerðina fram með dagskrá næsta bæjarstjórnarfundar.

Formaður velferðarráðs Vestur-Barðastrandarsýslu sér um boðun funda í samráði við félagsmálastjóra eða bæjarstjóra, eftir atvikum. Fundur í velferðarráði Vestur-Barðastrandarsýslu er boðaður með skriflegu eða rafrænu fundarboði ásamt dagskrá a.m.k. einum sólarhring fyrir fund og skulu fundargögn birt með rafrænum hætti á lokaðri fundargátt sveitarfélagsins.

Formaður velferðarráðs Vestur-Barðastrandarsýslu stýrir fundum ráðsins samkvæmt 39. gr. samþykktu um stjórn Vesturbyggðar.

Fundur telst ályktunarhæfur ef meirihluti ráðsins er mættur á fund. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu með og á móti.

### **Eftirfylgni**

Formaður velferðarráðs Vestur-Barðastrandarsýslu og aðrir fulltrúar í ráðinu skulu snúa sér til bæjarstjóra með eftirfylgni staðfesta samþykktu ráðsins.

### **Réttindi og skyldur**

Um réttindi og skyldur fulltrúa í velferðarráði Vestur-Barðastrandarsýslu gilda ákvæði sveitarstjórnarlaga og samþykktar um stjórn Vesturbyggðar, eftir atvikum.

Fulltrúa í ráðinu er skylt að sækja fundi nema lögmæt forföll hamli. Skal hann boða staðgengil sinn og láta formann ráðsins vita um forföll með góðum fyrirvara.

Hver fulltrúi á rétt á að koma máli á dagskrá fundar, enda skilar hann efni þess til formanns ráðsins a.m.k. þremur sólarhringum fyrir fund.

Fundarmenn skulu hafa hag sveitarfélagsins að leiðarljósi við störf sín í velferðarráði Vestur-Barðastrandarsýslu en eru ekki bundnir að öðru en sannfæringu sinni, lögum og samþykktum um stjórn Vesturbyggðar í atkvæðagreiðslu um málefni í ráðinu.

Fundarmenn eru bundir þagnarskyldu vegna mála, sem þeir fá vitneskju um í starfi sínu fyrir velferðarráð Vestur-Barðastrandarsýslu og ætla má að leynt eigi að fara skv. eðli máls og lögum hvort sem þau varða einka- eða almannahagsmuni.

Fulltrúi í ráðinu skal víkja af fundi við umræður og afgreiðslu mála sem varðar hann sjálfan, skyldmenni hans eða nánustu venslamenn að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi.

### **Lög og reglugerðir**

Í störfum sínum skal velferðarráð Vestur-Barðastrandarsýslu taka mið af þeim lögum og reglugerðum, sem undir starfsvið þess heyrir, sérstaklega þó lögum um félagsþjónustu sveitarfélaga, málefni fatlaðs fólks, jafnan rétt og jafna stöðu kvenna og karla, áfengislögum, húsnæðismál, húsaleigulögum og barnaverndarlögum. Þá skal ráðið fylgja sveitarstjórnarlögum og samþykkt um stjórn Vesturbyggðar eins og hún er hverju sinni.

Samþykkt á 280. fundi bæjarstjórnar Vesturbyggðar 17. desember 2014.